

GLORISSIMA APPARITIONE BEATISSIMÆ VIRGINIS

SUPER COLUMNA MARMOREA.

E T
CONCESSIONE OFFICIJ PROPRIJ
SUMMARIOLUM.



IRACVLOSA Apparitio Sacratissimæ Virginis MARIE, in Corpore mortali, super Columna Marmorea, seu PILARI, ad Beatum Apostolum Iacobum Maiorem, in Vrbe Cæsaraugustana, Traditio est toto Orbe Christiano solemnissima; inter Ecclesiasticas primum habens dignitatis locum; doctrinis innixa, & rebus; nec solo sermone, sed etiam coelico insculpta marmore. Propterea à verbis Pseudo-chronicorum non timuit: fundata enim extat supra firmam Petram.

Irrefragabilis nostræ Traditionis veritas multimodè constat. Generatim, quia à Pontificibus, Regibus, Episcopis, Religionibus, Breviarijs, Scriptoribus, tam Historicis, quàm Scholasticis, Omniumque fermè Catholicorum verbo, & scripto proclamata gloriatur. Consule Didacum Murillo in fundat. Capell. S. Mariæ de Pilari cap. 3. En pro individua eiusdem comprobatione nonnulla momenta, summo calamo prælibata.

Primò: Columnatam Traditionem corroborant Christianus cultus; inibi Deiparæ exhibitus, & perenniter retentus; stabilitæ Aræ per sæcula; concursus Orbis ad ipsam; stupenda, iugisque miraculorum ad eius invocationem patratio.

Secundò: Summi Pontifices. Calixtus III. mirabilem Apparitionem sic bullat: *Beata Maria, antequam ad Cælum assumeretur... B. Iacobo Maiori in Columna marmorea apparuit, & ob hoc ipsa Ecclesia nomen B. Mariæ de Pilari assumpsit, ac ibi quàmplurima, & infinita miracula Divina permissione dictum sunt. In sua Bulla edita 23. Septemb. ann. 1456.*

Clemens X. festivitatem Columnatæ Deiparæ sic adornat: *In die 12. Octobris, in qua celebratur Solemnitas Apparitionis, ut vulgò vocant Sanctissimæ Virginis Mariæ, fiat Processio generalis cum eadem solemnitate, qua celebratur Processio Corporis Christi. In sua Bulla Vnionis Ecclesiarum de Pilari, & Salvatoris, edita 13. Februar. ann. 1675.*

Tertid: Serenissimi Reges. Ioannes II. Capellam S. Mariæ de Pilari magnificat, dicens: *Illud mirabile, quòd in vita ipsius Beatæ, & Gloriosæ Virginis, eiusque iussu, à B. Iacobo Maiore Apostolo constructa, & edificata existit: in cuius capite ipsa B. Virgo Pilare marmorèâ, quod sibi à cælo transmissum habuerat, & supra quod eidem B. Iacobo Apostolo apparuit, firmari, & collocari iussit. In Privileg. apud P. Murillo citat. fol. 18.*

Ferdinandus II. eandem Basilicam dilatans, ait: *Sanè ex Catholicis neminem latere existimamus, apud Vrbem Cæsaraugustanam quandam esse*
mi-

16

mirificæ devotionis sacram, & antiquissimam Ædem, sive Templum celebre purissimæ ac immaculatæ Virgini Dei Genitrici dicatam, sub vocabulo B. Mariæ de Pilari, innumeris, & assiduis miraculis præfulgentem. In Privileg. apud eund. Murillo citat.

Quartò: Eminentissimi Cardinales. Baronius, explicans Canonem Synodi Antiochenæ, inquit: *Præscribit (Canon) modum, quo Sacre Effigies, & Imagines Iesu Christi... necnon & Sanctorum collocentur, & statuuntur, quasi trophea quædam Sacre nostræ Religionis in cippo, vel Columna: Quemadmodum antiquissima, & celeberrima illa Dei Genitricis Imago, quæ dicitur del Pilar in Hispania. Tom. 1. sub anno 57. num. 113. fol. 480.*

Purpuratus D. Aguirre Marianum in Pilari Adventum sic propugnat: Apparitio Deiparæ supra Columnam, facta Iacobo apud Cæsaraugustam prædicanti, & erectio illius Oratorii in honorem eiusdem adhuc viventis... est Traditio valde antiqua, Pontificum, ac Regum privilegijs firmata à multis sæculis, & plurimorum gravium Scriptorum libris à longo tempore comprobata: quam proinde nemo refutare sine temeritate, aut impietate aliqua possit. Tom. 1. Concilior. Hispan. num. 94. fol. 152.

Quintò: Sacra Rota Pilarensem Traditionem facit Authenticam. Coram D. Bichio asserit: Ad probandam antiquam Cathedralitatem huius Ecclesiæ (B. Mariæ de Pilari) expenditur antiquissima Traditio, tam Historicorum, quàm Scriptorum... qui aiunt, istam Ecclesiam à D. Iacobo Apostolo ædificatam fuisse. Decis. 640. num. 3. & seq.

Coram D. Coccino sic concludenter decidit: Traditur B. Iacobum Apostolum iussu Deiparæ Virginis, super Columna, seu Pilare quodam martireo inter Angelorum cantus visibiliter apparentis, præfatam Ecclesiam construxisse. Decis. 1867. num. 18. & seq.

Sextò: Catholici Auctores. Et primò Historiographi: Flavius Lucius Dextrus, Synchronus, & D. Hieronymo Charus, Iacobi-Marianam Traditionem refert, ibi: S. Iacobus Apostolus Zebedæi filius, peragratis Urbibus Hispaniæ, Templum, vel Oratorium B. Virginis, ex eius iussu, præsentiaque super Columna, Cæsaraugustæ erexit. In Chron. ad ann. Christi 36. num. 2.

P. Thomas Malüenda Pilarensem Virginis Apparitionem sic illustrat: Perenni, & constantissima Ecclesiarum Hispaniæ Traditio: exploratissimum apud omnes habetur, S. Iacobo Apostolo Zebedæi, ad ripam annis Iberi oranti, Beatissimam Mariam Virginem, adhuc eo tempore Ierosolymis in humanis agentem, super Columnam Iaspideam, ingenti miraculo conspiciam, se præbuisse videndam: atque eidem Apostolo clarè iussisse, ut eo ipso loco in honorem ipsius Dei Genitricis Sacram Ædem construeret. Tom. 1. de Antichrist. lib. 4. cap. 5. fol. 203.

Hieronymus Zurita differens de Columnæ Cæsaraugustanæ inconcussa stabilitate, ait: Immo confert, hanc solam sub diuturna Maurorum dominatione, reliquis sacris Ædibus penitus excisis, aut depopulatis, velut sacram Aram, profugij portum, Antistitemque Sedem fuisse servatam. In Indiciis. pag. 13. anno 889. apud Rot. coram D. Coccin.

Secundò: Scholastici. Eximius Suarez Columnatam Apparitionem versat, dicens: Quis ergo audebit hanc Traditioni (nempe Pilarensem) contradicere, aut quomodo aliæ Ecclesiasticæ Traditiones inconcussæ conservari poteriant, si huius fidei non adhibeantur? Multa & mira prolequitur. Tom. 6. de Relig. lib. 2. de dieb. fest. cap. 9. cap. 15. & 16.

P. Cornelius à Lapide. *Virgineum in Iaspide Adventum bellè comprobatur, aiens: B. Iacobus Beatissima Virgini charissimus fuit. Unde Ipsa ad eum vivens Ierosolyma, eidem apparuit Cæsaraugustæ, insistens Columnæ, iussitque eidem Oratorium extrui, prædicens illam Hispaniæ partem sibi fore devotissimam. Quare Sanctus Iacobus eidem Sacellum omnium in Orbe primum ædificavit. In Comment. in Act. Apost. cap. 12. nu. 6. fol. 201.*

Ioannes Stephanus Durantus disertissimè firmat: *Sanctissimam Virginem Mariam S. Iacobo in Civitate Cæsaraugustana apparuisse, ibique primum Templum Deiparæ ædificatum fuisse, quod vulgo Nuestra Señora del Pilar hispanicè appellatur. De Rit. ib. Eccles. Cathol. lib. 1. cap. 2. num. 4.*

Missos facimus quàmplures alios Scriptores, non solum Hispanos, sed etiam Exteros, id ipsum nervosè, & dilucidè confirmantes, quos cumulat Sacra Rota coram D. Coccino *decis. citat.* Apage iam nimiam Quorundam crism, & licentiam diffitentium, & recusantium Marianam nostram Apparitionem: *Potior enim ratio haberi debet perpetuæ, & antiquissimæ Traditionis, quàm cuiusvis extraneæ scriptioris, & testificationis;* aiebat in puncto D. Cardinalis Aguirre *præallegat. fol. 138. nu. 19.*

Præiacta hucusque perspicua, & concludentia testimonia infallibilem Columnatæ Traditioni conferunt auctoritatem. Quippè *Traditiones à Maioribus confirmatas esse irrefragabiles, docet ex Basilio Magno Sacra Rota. Et de Cæsaraugustana signatissimè decidit: Traditio ista corroboratur quasi sit de fide: taliter quod non esset tentus pro Catholico, qui de hoc dubitaret. Decis. citat. coram D. Coccino.*

Præsupposita ergo, & comprobata nostræ Venerabilissimæ Traditionis existentia: *Nihil enim æquè stabilitum testimonijs gravissimorum Auctorum; nihil tota Hispania sacratius, ac venerabilius animis hominum insedisse,* subdit P. Franciscus Bivarius *in comment. Dext. ei num. 3.* Promove iam concessionem Officij proprii pro gloriola Apparitione Beatissimæ Virginis in Pilari multiplex, idque efficax argumentum, à rationibus, & exemplis efformatum.

Primò: intra Deiparæ Columnatæ Officium gravis adest notanda discretio: intersunt liquidem narratio, & cultus; Apparitio, & B. Virgolis. Ceterum aliter venit iudicandum de cultu, & aliter de narratione: sicut aliter de B. Virgine, & aliter de Apparitione. Narratio enim per se respicit Apparitionem; cultus autem per se dumtaxat respicit B. Virginem. Apparitio namque solum est impellens cultum ex narratione, secus verò illum terminans ex Religionis virtute. In istiusmodi ergo Cultu, & Officio proprio nequit vitari Religio, utpote ad B. Virginem directam, tametsi Apparitio, & narratio temerari valerent.

Secundò: non agitur impræsentiarum de solenni declaratione miraculi Apparitionis; sed agitur solummodò de concessionè Officij particularis. Hæc inter se se distant longissimè. Miraculum enim plenissimè in probationem, & omnimodò non exigit certitudinem, ad hoc ut Ecclesia, per Spiritum Sanctum illuminata, supremum, & infallibile profereat iudicium. Circa Officium verò, sicut non versatur infallibile Ecclesie iudicium, ita physica probationum certitudo non requiritur, sed sufficit moralis; testante id Emin. D. Aguirre: *Quod tandem in Breviario Romano palam narraretur, sufficit, quod ut probabile admodum censeatur, non tamen certum. In Defension. Cathed. S. Petr. tract. 2. disp. 20. sect. 1. n. 12.* Ast pro Columnatæ Apparitione extat certitudo moralis, immò quasi

infa,

infallibilis, & fide, ut ponderat Sacra Rota: procedit igitur concessio Officij proprij de Adventu Iaspedeo.

Tertio: Dignitas propemodum infinita Deiparæ, sanctitas incomparabilis supra omnes electos, & puritas, quæ nulla sub Deo maior, exigunt quasi iure suo specialem aliquem cultum, nulli alteri mortalium concessum. Hinc cuiuspiam summè credibile putandum, quod D. Iacobus, post sui in Hispaniam adventum, dicaret Dei Genitrici, adhuc viventi, Templum aliquod, vel Oratorium. Nec censendum id accidisse nisi ex speciali B. Virginis imperio, immò, & ordinatione Dei volentis, & iubentis, ut Matri suæ singulariter inter omnes mortales id obsequium impenderentur. Rem igitur adeò honorificam, & tantopere testatam, fas & ius est, ut Ecclesia anniversaria Officij proprij decoret celebritate.

Accedit tandem, & perurget veneranda praxis Ecclesiæ Catholicæ plures celebrantis festivitates, quarum veritas est admodum quidem probabilis, sed non certissima. Ut omittamus alia plura, en quatuor circa Deiparam exempla.

Ecclesia solempni celebrat officio Assumptionem B. Mariæ Virginis in corpore, & animo simul ad cælum; quæ licet sit Ecclesiastica Traditio indubia, non tamen est fide certa, ut declamat ad populum è suggesto D. Ildephonsus: *Nec sanè omittere debemus, quod multi pietatis studio libentissimè amplectuntur, Deiparam hodierno die à Filio suo Domino nostro Iesu Christo ad cæli corporaliter sublevatam palatia: quod licet pium sit credere, à nobis tamen non debet affirmari, ne videamur dubia pro certis recipere Serm. 6. de Assumpt. B. Mariæ Column. 2.*

Pariter: æcumenico celebratur cultu Festum Immaculæ Conceptionis B. Virginis Mariæ; de quo tamen scribit Purpuratus Aguirre: *Romani Pontifices instituentes festum Conceptionis Deiparæ, ipsique solemnitatem addentes, non propterea desinierunt hactenus sanctitatem in primo instanti animationis. Loc. cit. Cathed. S. Petr. disp. 25. sect. 1. nu. 19.*

Præterea: Messanæ in Regno Siciliæ agitur cum Officio proprio die III. Iunii Festum Epistolæ B. Mariæ Virginis ad Messanenses, ut testatur P. Paulus Bulli libro inscripto *Gloria Messanenium. Quæ* tamen Epistola inter Extraneos, etiamque Siculos ipsos Scriptores suas tamen difficultates, & contradictiones. *Libr. de gloria Messanens. sive de Epist. Deiparæ ad Messanen.*

Denique, & simillimè: Festum Apparitionis Sacræ Imaginis B. Mariæ in Porticu celebratur Romæ quorannis cum pari indulto Officij proprij die 17. Iulij. *Ex Decret. edit. die 17. Iunii anni 1679. Sat de exemplis, quæ facilitant valde, ne dicamus, necessitant concessionem Officij Columnati; pro quo nedum argumenta probabilia, sed plenissimæ afferuntur probationes, ut affirmat Sacra Rota.*

Hæc moriva pro Officio privato Pilarénsis Marianæ Apparitionis sufficere videntur: dum alia (forsan minora) pro sacrandò univèrsali Officio Evangelistæ Ioanni, in ferventis olei dolium missi, suffecerunt,

GLORISSIMA APPARITIONE BEATISSIMÆ VIRGINIS

SUPER COLUMNA MARMOREA.

E T

CONCESSIONE OFFICIJ PROPRIJ
SUMMARIOLUM.



IRACVLOSA Apparitio Sacratissimæ Virginis Mariæ, in Corpore mortali, super Columna Marmorea, seu PILARI, ad Beatum Apostolum Iacobum Maiorem, in Vrbe Cæsaraugustana, Traditio est toto Orbe Christiano solemnissima; inter Ecclesiasticas primum habens dignitatis locum; doctrinis innixa, & rebus; nec solo sermone, sed etiam cœlico insculpta marmore. Propterea à verbis Pseudo-chronicorum non timuit: fundata enim extat supra firmam Petram.

Irrefragabilis nostræ Traditionis veritas multimodè constat. Generatim, quia à Pontificibus, Regibus, Episcopis, Religiosis, Breviariis, Scriptoribus, tam Historicis, quàm Scholasticis, Omniumque fermè Catholicorum verbo, & scripto proclamata gloriatur. Consule Didacum Murillo in *fundat. Capell. S. Mariæ de Pilari cap. 3.* En pro individua eiusdem comprobatione nonnulla momenta, summo calamo prælibata.

Primò: Columnatam Traditionem corroborant Christianus cultus, inibi Deiparæ exhibitus, & perenniter retentus; stabilitæ Aræ per sæcula; concursus Orbis ad ipsam; stupenda, iugisque miraculorum ad eius invocationem patratio.

Secundò: Summi Pontifices. Calixtus III. mirabilem Apparitionem sic bullat: *Beata Maria, antequam ad Cælum assumeretur... B. Iacobo Maiori in Columna marmorea apparuit, & ob hoc ipsa Ecclesia nomen B. Mariæ de Pilari assumpsit, ac ibi quàmplurima, & infinita miracula Divina permissione diutim sunt. In sua Bulla edita 23. Septemb. ann. 1456.*

Clemens X. festivitatem Columnatæ Deiparæ sic adornat: *In die 12. Octobris, in qua celebratur Solemnitas Apparitionis, ut vulgò vocant Sanctissimæ Virginis Mariæ, fiat Processio generalis cum eadem solemnitate, qua celebratur Processio Corporis Christi. In sua Bulla Unionis Ecclesiarum de Pilari, & Salvatoris, edita 13. Februar. ann. 1675.*

Tertiò: Serenissimi Reges. Ioannes II. Capellam S. Mariæ de Pilari magnificat, dicens: *Illud mirabile, quòd in vita ipsius Beatæ, & Gloriosæ Virginis, eiusque iussu, à B. Iacobo Maiore Apostolo constructa, & edificata extitit: in cuius capite ipsa B. Virgo Pilare marmoreâ, quod sibi à cœlo transmissum habuerat, & supra quod eidem B. Iacobo Apostolo apparuit, firmari, & collocari iussit. In Privileg. apud P. Murillo citat. fol. 18.*

Ferdinandus II. eandem Basilicam dilaudans, ait: *Sane ex Catholicis neminem latere existimamus, apud Urbem Cæsaraugustanam quandam esse*